

Udruženje banaka BiH

Svako će odgovarati za svoje postupke

Promjenljiva kamatna stopa nije sporna, jer je zakonom predviđena

Povodom tvrdnji da banke neosnovano podižu kamatne stope, stav Udruženja banaka je da su banke dužne poštivati sve zakonske propise koji reguliraju ovu oblast, a posebno Zakon o zaštiti potrošača BiH. Što se tiče zakonitosti ugovora i ugovornih odredbi, za to je isključivo nadležan sud, rečeno je na konferenciji za novinare Udruženja banaka BiH jučer u Sarajevu.

Prema riječima izvršnog sekretara Udruženja Mije Mišića, promjenljiva kamatna stopa nije sporna jer je zakonom predviđena, međutim, da li je promjena kamatnih stopa na odobrene kredite izvršena u skladu sa zakonskom procedurom, svaka banka će morati dokazati inspekcijskim službama. Dodao je kako su međunarodne institucije još 1998. godine bankama preporučile da uvedu promjenljive kamatne stope i one su sve do prošle godine bile u korist potrošača, međutim, sada se stanje promijenilo.

O spornim promjenljivim kamatnim stopama oglosio se i Ured ombudsmena koji je u dogovoru sa Udruženjem banaka bh. bankama preporučio da ne podižu kamatne stope zbog socijalno ugroženih kategorija stanovništva, u preporu-



Ured ombudsmena preporučio da ne podižu kamatne stope

ci još stoji da je povećanje kamatne stope posljednji instrument koji banke mogu upotrijebiti.

Kako je kazano, kamatna stopa u BiH je isključivo tržišna kategorija koja se formira na osnovu ponude i traženje za gotovim novcem i kapitalom, odluku o visini kamatnih stopa svaka banka donosi samostalno na osnovu svojih analiza i procjena rizika. Kamatna stopa nije uzrok, nego posljedica niza tržišnih i društvenih faktora.

“Banke ne odgovaraju o visini kamatnih stopa”, potvrdio je Mišić. Govoreći o euriboru, referentnoj

kamatnoj stopi za kredite na međunarodnom tržištu, on je kazao da euribor veoma malo utječe na visinu kamatnih stopa u BiH, jer je bh. bankama teško pristupiti sredstvima po euriboru.

Prema riječima Samira Lačevića iz Udruženja banka, ovaj sektor je trenutno pred izazovom pronalazjenja svježeg kapitala koji je potreban stanovništvu i privredi jer su unutrašnje rezerve slabe i nisu dugoročnog karaktera, te zadržavanje visokih stopa rasta bankarskog sektora iz ranijih godina.

J. SALKIĆ